


امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلمزده موافق آثار قبول اولنور.
درج ایدلین اوراق اعاده ایلماز.

مجله ادبیات

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰، طشره لره پوسته
اجرتیله برابر ۶۰ غروشدر.

نسخه سی ۱ غروش

پنجشنبه کوناری نشر اولنور ادبی، فنی و صناعی غزیه در

نسخه سی ۱ غروش

حسیات قلبیه و تأثرات دماغیه [۱]

بعض ارباب فنك منبع حسیات دماغدر مع مافیه حسیات قلبیه ترکیبی نامناسبدر ادعاسنده بولند قلمری معلومدر بوادعاده بولنانلر هیچ شبهه یوقدر که حسیات واحتیاسات قلبیه دن ذره قدر متأثر اولمیانلر در ایسته بوکا بنیدر که یوقاریده بعض تعبیری استعمالده مجبورت کورلدی چونکه اوکی حسیات ایله مألوف اولان متفانلر دن بویولده برادعاوقوع بولیله جنی آشکاردر

عاشقین طبیعت اولان ذوق سلیم اصحابنك حسیات رفیقهلرندن بر جزئه مالک بولنان ابناء بشردن صوراسه همان کافه سی حسیاتی ایضاح بولنده بوتعبیری استعمال ایدر یوقسه هیچ برفرد حسیات دماغیه تعبیری قوللاغنی خاطرینه بیله کتیر من واقعا دماغ متأثر اولور بونکه برابر تأثرات دماغیه تعبیرینك استعمالنده بر شی دنیله من فقط بوتعبیرك استعمالیله دیگرلرینك اونودلماسی اصلاً تجویز اولنماز چونکه دماغك متخمس اولدینی تأثرات قابله ظاهر اولور. انسان دماغك متأثر اولدینی ضربات واضطرابات قلبیه سندن آکلار. الواح طبیعتی مشاهده ایله استفاضه ایدن وشو صورتله دماغه کشایش کلن برواق طبیعت او وسعت آباد لطافتی تماشادن متحصل شوق وسروری قلبدن یوقاری چیقان بر آه نشوه بخشادن یعنی حسیات قلبیه سندن آکلار.

بش سینه مدله گرفتار محن فراق اولمش بر والدۀ مشفقه جانی کبی سودیکی جگر پاره سنی بر ساعته صوکره کوره جک او بر ساعته چکمش اولدینی بش سینه لک

[۱] شورای دوات ملازم لردن عزت و معمر بک افندی طرفندن اهدا بیورلشدر.

اضطرابات تحمل شکنانه یی آرزو ایتدیره جک درجه ده طاقت فرسادر فقط او یأس و حرمانی بر آنده مبدل سرور و شادمانی اولور چونکه نور دیده حیاتی جوهر مرحمت و شفقت اولان والدۀ سنك نزدنده بولنور. مادر مهربان ایسه کوزلری سرشك تحسیر ایله مالی بولندینی حالده سوکیلی اولادینی باغرینه باصاری یکدیگرینه اولان فرط محبتلرینی حسیات قلبیه لرندن آکلار لر.

خورشید جهان آرا اشعه زرین تازی هنوز طاعنره، تپلره، دره لزه، وادیاره، اشجاره و احاصل نظر انسانینك محیط اولدینی یرلره ایشار ایتش یار اقلر اوزرنده کی قطرات شبنمك طراوت موقتله لری آلآن زوال پذیر اولماش بلبل نالنده حالا فریاد عاشقانه سنه فیصل ویرمه مش اولدینی بر زمانده بر سودازده جفا دیده ده نیم مرده بر حالده بر آغاه اتکا ایدر ك نور دیده سنك مواصلتی مرقب اولور.

بر آفاق سسی سامع سنی او قشار باشی چو یرر دفعة بر خجان قلبه گرفتار اولور! منتظر تشریف اولدینی یار جانی قارشو سنده بولنور بر آز صوکره ایکی قلب یکدیگرینه تماس ایدر فصل بر انجذاب معنوی ایله یکدیگره مربوط اولدقلمری ضربات و حسیات قلبیه لرندن آکلار لر.

الم دوانا پذیره دوچار اولدینی ملاحظ وجهیه سندن نمایان اولان بر بی چاره سوکیلی سنك دیدار زینت داریلله شادان و بکام اوله جغنی آلفی او قشامقده اولان نسیم خزان عشقندن آکلار در حال امیدلری تجدید ایدر بهار محبتك عودت ایده جکنه مطمئن اولور اولانجه قوتی جمع ایله رهگذر یاره قوشار انفلاق سحر دن تا شام غریب آشامه قدر بکمر، شدت انتظار ذاتاً فرط سودا ایله عدم آباده طوغری یو وار لانونب کییکده اولان قواسنه بتون بتون ایراث ضعف

ایتمک باشلار. خصوصیه آه واینی متعاقب قلبنك آخر آخر حرکاتی زواللری تحملی ناقابل بر حال حزن ماله کتیرر وقتا که مفتون جمالی اولدینی اول نونهال قمر مثال خور. شید جهانتابك غرونی متعاقب عرض دیدار اشعه نشار ایتمک باشلار، حرکات متمادیه ایله کوکسنی دوکسکه اولان قلبی ضرباتی تزئید و کیتدکجه بیچاره نك نفسی تضییق ایله بحر عمیق تأثره القا ایدر. حیات ایله نلمات آراسنده قالیر بونجه اختلاجات درونك سبب مستقلى اولان ملک سیاده او صروده فلک زدهیه تقرب ایدر بسیمانه برانظر فرلاته رق عاشقنك الی طوتار. بیچاره عاشق ایسه تکمیل وجودینی بر قوه مقناطیسیه نك تحت تأثیرنده براقان او ظریف الی تا قلبنك اوزرینه کوتورر بو حرکتله سوکیلی سنه حسیات قلبیه سنی آکلاتقی ایستر. اوده منظوری نك کندی حقنده نه قدر شدتلی بر محبت بسله مکده اولدینی ضربات قلبیه سندن آکلار.

الحاصل حسیات قلبیه ترکیبی اوتدن بری عموماً ادبا طرفندن استعمال اولنمش و موافق ذوق ادب بولنمش اولدینندن استعمالی خطا بیله اولسه طبع سلیم اربابی عندنده جائز در خصوصاً که حسیات انسانیه ده بومدعاضی تأیید ایدیور.

ح. رمزی امضاسیله وارد اولمشدر:

طاللی بر تبسم:

بری کل کون شفق — نوردن معمول — پارمقلریله جهت شرقی یی یالیزلامه باشلار.